

* FORUM LIVII Plinio lib. 3. cap. 15. vulgò *Forlì*. Quibusdam urbs antiqua Episcopalis, tamen hujus Episcopum non legi ante *Vincentium*, qui Epistolæ Concilii Romani sub Agathone subscripsit.

FAVENTIA Ptol. lib. 3. cap. 1. hodie *Faenza*. *Constantii* hujus Episcopi meminit Optatus lib. 1. & *Justus* Faventinus subscripsit Concilio Romano sub Hilario.

† FORUM CORNELII Ptol. lib. 3. cap. 1. vulgò *Imola*. *Constantius* hujus Episcopus legitur apud D. Ambrosium Epist. 44. Paulo Diacono est in *Emilia*.

§ VICOHABENTIA, vulgò *Vicovenza*: apud Petrum Chrysologum legitur sermone 175. quo etiam meminit *Marcellini* ejus Episcopi. Ex hac autem urbe *Deusdedit* Episcopus sedem Episcopalem transfudit Ferrariam auctoritate *Vitaliani* Papæ.

HADRIA, vel *Adria*, Melæ lib. 2. cap. 4. hodie *Adri*. Quibusdam civitas Episcopalis antiqua, sed hujus Episcopum non legi ante Concilium *Lateranense* sub Martino, cui adfuit.

COMACULA, aliis *Comaculum*, vulgò *Comacchio*, urbs Episcopalis ad ostium *Padi*, legitur in libris Conciliorum: subscripsit autem *Pacatianus* ejus Episcopus Concilio Romano quarto sub Symmacho.

Æ M I L I A.

BONONIA Melæ lib. 2. cap. 4. vulgò *Bologna*. *Eusebius* hujus Episcopus subscripsit Concilio *Aquileiensi* sub Damaso.

BRIXELLUM Ptol. lib. 3. cap. 1. vulgò *Bressello*. *Cyprianus* hujus Episcopus subscripsit Epistolæ *Eusebii* *Mediolanensis* ad Leonem Papam.

MUTINA Ptol. ibid. vulgò *Modena*. Ex ejus Episcopis *Cassianus* subscripsit Synodo *Romanæ* tertiæ sub Symmacho, & *Bassus* quartæ sub eodem.

REGIUM LEPIDI Straboni lib. 5. vulgò *Reggio*. *Faventius* hujus Episcopus subscripsit Epistolæ *Eusebii* & Synodi *Mediolanensis* ad Leonem Papam.

PARMA Ptol. ubi suprâ, vulgò etiam *Parma* dicitur. Episcopi *Parmæ* meminit *Baronius* à primis sæculis, sed in Conciliis non legi ante *Gratiosum*, qui subscripsit Epistolæ Concilii Romani sub Agathone.

PLACENTIA Tacito Hist. lib. 11. vulgò *Piacenza*. *Sabinus* hujus Episcopus subscripsit Concilio *Aquileiensi* sub Damaso.

PROVINCIA AQUILEIENSIS.
V E N E T I A.

AQUILEIA, ut legitur apud *Eustathium* in scholiis ad *Dionysium*, urbs est maxima, quæ & *Aquila* vocatur, ab volucre, quam Itali *Aquilam* appellant, quæ, teste *Juliano* Imperatore, urbi, cum conderetur, dextra ex parte cælitus advolans, de suo nomine vocabulum imposuit. †† *Fortunatianus* ejus Episcopus sub *Constantio* apud D. *Hieronym.* lib. de Script. Eccles. legitur. ** *Leo Magnus* Epistolam scripsit ad *Nicetam* & ad *Julianum* *Aquileienses* Episcopos.

PATAVIUM Antonino in Itinerario, vulgò *Padoûa*. *Prosdocius* primus hujus

N O T Æ.

* *Forum Livii &c.* Crescentius *Livienſis* adfuit Concilio *Lateranensi* sub Martino. LUCAS HOLSTENIUS.

† *Forum Cornelii &c.* De *Corneliensi* Episcopo ordinando scribit S. *Gregorius M.* *Mariniano* Episcopo *Ravennæ* lib. 6. Ep. 39. LUCAS HOLSTENIUS.

§ *Vicohabentia &c.* vulgò &c. *Vogenza*] *Justinus*

Episcopus *Sanctæ Ecclesiæ* *Buonaventuræ* subscripsit Concilio Romano sub Agathone. LUCAS HOLSTENIUS.

†† *Fortunatianus &c.* apud D. *Hieron.* de Script. Eccles. legitur] Idemque adfuit & subscripsit Concilio *Sardiceni*. LUCAS HOLSTENIUS.

** *Leo M. Epist. scripsi*] 86. &c. LUCAS HOLSTENIUS.